

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-_____/17
Vareš, _____ 201. godine

INICIJATIVA

za prekategorizaciju lokalne ceste Visoko – Gračanica – Prhinje – Breza u regionalnu cestu II reda

Na osnovu člana 104. i 106. Poslovnika o radu Općinskog vijeća Vareš upućujem Općinskom vijeću Vareš Inicijativu radi donošenja Zaključaka kojim se pokreće inicijativa prema Ministarstvu za prostorno uređenje, promet i komunikacije i zaštitu okoline Zeničko-dobojskog kantona koja glasi:

„Traži se od Ministarstva za prostorno uređenje, promet i komunikacije i zaštitu okoline Zeničko-dobojskog kantona da u trenutnoj fazi pripreme nove ili izmjene postojeće Odluke o kategorizaciji cesta u autoceste i brze ceste, magistralne ceste i regionalne ceste (Službene novine Federacije BiH, broj: 24/14) predloži Federalnom ministarstvu prometa i komunikacija kao nosiocu ovih aktivnosti da se postojeća lokalna cesta Visoko – Gračanica – Prhinje – Breza prekategorije u regionalnu cestu II reda“.

OBRAZLOŽENJE:

Postojeća lokalna cesta Visoko – Gračanica – Prhinje – Breza predstavlja veoma značajnu saobraćajnu vezu sjedišta Općine Visoko i Općine Breze. Njena dužina je 11,9 km. Cijelom dužinom ova lokalna cesta je sa asfaltnim kolovozom koji je u prilično dobrom stanju. Prosječna širina asfaltnog kolovoza ja 5,5 metara. Dodatno su izgrađene obostrane bankine širine po 0,5 m. Početak ove ceste je u Visokom na raskrsnici sa regionalnom cestom R-445 i prilaznom cestom na autocestu A1 na koridoru Vc a kraj u Brezi (lokacija Mahala) na raskrsnici sa novokategorisanom magistralnom cestom II reda M214 Ribnica – Podkamenko – Vareš – Breza – Podlugovi. Ova cesta skraćuje put od Vareša i Breze do Zenice kao glavnog grada Ze-do kantona, povezuje sjedišta dvije općine i više naselja sa brojem stanovnika znatno većim od 300 te ostvaruje vezu sa sportsko-rekreationim lokalitetima i obrazovnim centrima. Prekategorizacijom navedene ceste u regionalnu cestu II reda stvaraju se preduslovi za bolji i brži privredni razvoj područja kroz koji ova cesta prolazi kao i poboljšanje kvaliteta i gustine cestovne mreže na ovom području. Posebno je bitno istaći da na području kojim prolazi ova cesta egzistira više privrednih subjekata sa većim brojem zaposlenih lica. Posmatrano u funkciji povezivanja mreže cesta iste ili veće kategorije, ova cesta bi povezivala autocestu

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



A1 na koridoru Vc sa magistralnom cestom II reda M214 Ribnica – Podkamensko – Vareš – Breza – Podlugovi.

Prema Osnovnim mjerilima Uredbe o mjerilima i kriterijima za kategorizaciju javnih cesta, u regionalne ceste (RC) koje mogu biti I i II reda, kategorišu se:

- a) priključne ceste kojima se autocesta spaja na regionalnu cestu kad je regionalna cesta prva javna cesta na koju se autocesta priključuje;
- b) ceste koje povezuju sjedišta kantona s gradovima i općinskim sjedištima;
- c) ceste koje povezuju sjedišta gradova i općina međusobno;
- d) značajne ceste unutar područja preko kojih se ostvaruje veza grada ili gradskih dijelova s magistralnim cestama.


Prema Dopunskim mjerilima Uredbe za kategorizaciju javnih cesta u regionalne ceste (RC) odnose se na priključne ceste, koje povezuju magistralne i regionalne ceste sa:

- a) riječnim lukama kantonalnog značenja;
- b) aerodromima;
- c) željezničkim stanicama;
- d) robnim terminalima;
- e) turističkim i sportsko-rekreacionim lokalitetima;
- f) lokalitetima i građevinama ubilježnim u državnim registrima kao historijsko-kulturna ili prirodna baština;
- g) naseljima većim od 300 stanovnika, s tim da je udaljenost početka naselja od kategorisane ceste veća od 500 m;
- h) međudržavnim cestovnim graničnim prijelazima.


U regionalne ceste I reda kategorišu se javne ceste koje ispunjavaju maksimalne uslove za ovu kategoriju, a u regionalne ceste II reda one javne ceste koje ispunjavaju minimalne uslove za tu kategoriju.

Kako postojeća lokalna cesta Visoko – Gračanica – Prhinje – Breza ispunjava određene uslove za prekategoriizaciju u regionalnu cestu II reda, molimo da se njena prekategoriizacija obuhvati prijedlogom nove Odluke o kategorizaciji cesta u autoceste i brze ceste, magistralne ceste i regionalne ceste.

Položaj lokalne ceste Visoko – Gračanica – Prhinje – Breza u funkciji povezivanja cesta iste ili više kategorije je prikazan na slijedećim slikama:



Slika 1. Položaj lokalne ceste Visoko – Gračanica – Prhinje – Breza, uži prikaz



Slika 2. Položaj lokalne ceste Visoko – Gračanica – Prhinje – Breza, širi prikaz

**PODNOŠILAC INICIJATIVE
OPĆINSKI NAČELNIK**

Zdravko Marošević